

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ

ФАРГОНА ДАВЛАТ УНИВЕРСИТЕТИ

**FarDU.
ILMIY
XABARLAR-**

1995 йилдан нашр этилади
Йилда 6 марта чиқади

2:2019

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

АДАБИЁТШУНОСЛИК

Қ.Юлчиев	
Ўзбек шеъриятида лирик хронотопнинг ривожи	77
Г.Орипова	
Мустақиллик даври ўзбек шеъриятида халқ оғзаки ижоди анъаналари ва ўзига хосликлар	82
А.Акбаров	
Немис адабиётида Абулқосим Фирдавсий қисматининг бадиий талқинларига доир.....	87

ТИЛШУНОСЛИК

Ш.Турғунов	
Наманган болалар фольклорида доимий ўйинлар ва уларнинг локал хусусиятлари.....	92
А.Бердиалиев	
Тил бирликлариаро парадигматик ва синтагматик муносабатлар масаласига оид мұлоҳазалар.....	96
М.Абдулпаттоев, С.Зокирова	
Конгруэнтлик ҳодисаси ва унинг контрастив лингвистикадаги ўрни	101
Д.Ашурев	
“Алпомиш” достонида құлланилған ўхшатишларнинг лингвокультурологик хусусиятлари	104

ПЕДАГОГИКА, ПСИХОЛОГИЯ

Д.Саимназарова	
Чет тилда маттни идрок этиб тушуниш хусусида	108
А.Асимов, М.Ғофурова	
Масаланинг қисқа ёзуви устида ижодий ишлаш	111

ИЛМИЙ АХБОРОТ

Т.Шадманов	
1917-1941 йилларда Ўзбекистонда зичлаш ва зичланиш уй-жой муаммосини ҳал қилиш шаклларидан бири сифатида	115
С.Маннопов, А.Қамбаров	
Фарғона-Тошкент мақом йўналишининг фалсафий масаласига доир	118
С.Содиков	
Фуқаролик жамиятига доир мумтоз назарияларнинг ривожланиши	120
Н.Усмонов	
Урбанизация ва ижтимоий ривожланиш	123
Н.Махмудова	
Исломий қоидаларнинг бадиий талқини	126
Ж.Дилмуродов	
А.Ж.Крониннинг «the citadel» асарини инглиз тилидан ўзбек тилига ўгириш муаммолари	128
Н.Эргашева	
Инглиз тили Америка варианти грамматикасининг айрим хусусиятлари	130
Н.Хошимова	
Ассоциациялар индивидуаллигининг ташқи омиллари	134
Р.Абдуллаева	
Когнитив тушунчалар ва уларнинг мазмун-моҳияти	137
Л.Тешабоева	
Ўзбек ва инглиз адабиётида рамзий маъно ҳамда унинг хусусиятлари	140
Г.Эшбекова, Г.Ҳамроқулова	
Тарих фанини ўқитишда ишчи дафтардан фойдаланишнинг аҳамияти	142
Д.Абдурахмонова	
“БОБУРНОМА”нинг янги немисча таржимаси хусусида	145

ФАНИМИЗ ФИДОЙИЛАРИ

Фидой олим	148
БИБЛИОГРАФИЯ	150

УДК: 8(09)+7.03

МУСТАҚИЛЛИК ДАВРИ ЎЗБЕК ШЕЪРИЯТИДА ХАЛҚ ОҒЗАКИ ИЖОДИ АНЪАНАЛАРИ ВА ЎЗИГА ХОСЛИКЛАР

Г.Орипова

Аннотация

Мақолада мустақиллик даври ўзбек шеъриятининг анъанавийлиги ва ўзига хос хусусиятлари халқ оғзаки ижоди билан қиёсан тадқиқ этилган.

Аннотация

В статье исследованы традиции и своеобразие узбекской поэзии периода независимости в сопоставлении с народным устным творчеством.

Annotation

In this article distinctive features and traditional characteristics of Uzbek poetry of Independence period comparing to folk ballads were analysed

Таянч сўз ва иборалар: анъана, услуб, маҳорат, халқ оғзаки ижоди, халқ қўшиқлари, оҳанг ва мазмун, рамзий образлар.

Ключевые слова и выражения: традиция, стиль, мастерство, народное устное творчество, народные песни, мелодичность и содержание, символичные образы.

Key words and expressions: tradition, style, capability, folk ballads, folk songs, melody and meaning, symbolic forms.

Ўзбек халқ оғзаки ижодининг бой анъаналари барча даврлар адабиёти учун ҳам таъсир ва ўрганиш манбаи бўлиб келган. Халқицлик ва ҳаққонийлик, ифоданинг соддалиги ва равонлиги, ҳаётйлик ва жонлилик, образлилик ва ихчам ифодавийлик хусусиятлари мустақиллик даври ўзбек шеъриятида ўзининг ижодий таъсирини намоён эта бошлади. Бу жиҳатларни Э.Воҳидовдан О.Матжонгача, Х.Даврондан У.Азимовгача, У.Ҳамдамдан И.Мирзогача бўлган мустақиллик даврининг турли авлод вакиллари ижодида учратиш мумкин. Масалан, Э.Шукурнинг “Бузоқнинг ўлимидан сўнг” (1993) шеърида чорвачилик билан боғлиқ меҳнат қўшиқларидаги “Софим қўшиқлари”, “Хўш-хўш” ларнинг таъсири сезилиб турди. Сигир соғиши пайтида айтиладиган ушбу қўшиқнинг асосий вазифаси равон ва текис, чўзиқ... оҳанг, ритм воситасида ҳайонни тинчлантириш, ийдириб, кўп сут соғиб олишдан иборатдир. Шунинг учун “Хўш-хўш” қўшиқларида чорвадор ва дехқонларнинг суюнчиғи бўлмиш сигирнинг барча аъзоларининг хатти-ҳаракатини, емишини, хусусиятларини васф этиш мотивлари етакчилик қиласи”. [1,150] Э.Шукур ҳам ўзбек халқ оғзаки ижодидаги ана шундай усууллардан ижодий фойдалангани ҳолда ўзига хос фикрнинг таъсиричан ифодасини яратади. Шоир юқоридаги сатрлардан айнан эмас, эркин ёндашган ҳолда мустақил, турли ассоциатив мулоҳазага бой сатрлар яратади.

Шеър “Уч унлик бузоғи ўлган сигирни Соғиб олаётир бефарзанд хотин. Туёғи зирқираб йиглайди жонивор. “Хўш-хўш” лаб куйлайди қайгули хотин” [3,171] мисралари билан бошланади. Боласидан ажралган сигир ҳолати

Г.Орипова – ФарДУ мустақил изланувчиси.

тасвири фарзандсиз хотин тилидан “Қувраб егин ўтингни, Ийиб бергин сутингни. Сенинг боланг ўлибди, Хурмо боланг бўлибди. Ҳўш-хўш, энамов, хўш” тарзда тасвирланади. Шу тариқа дарди дунёси бир бўлган образлар силсиласи шеър сатрлари давомида бирин-кетин намоён бўла боради: “Қайғуни ямламай ютади хотин, Аламни кувшаб еб ётади сигир. Томорқада эса... экин ичидан Битта бола излаб ивирсийди эр”. Фарзандсиз хонадон ҳолати ҳам, эру хотин орасидаги муносабатлар ҳам кундан-кун совуқлашиб бормоқда. Бу шеърнинг “Ховлида ҳувиллар беш хонали уй... Гувиллаб кўпайиб борар чумоли... Узоқлашиб борар хотин билан эр, Бир яйраб кулишга етмайди ҳоли” сатрларида намоён бўлади. Шеърдаги тобора кўпайиб бораётган чумоли тафсили боласиз совуқ хонадондан кўнгли қолган хотин ҳолатини ифодаласа, сўнгти сатрдаги ўти мушук образи кутилмаган холосани юзага келтиради:

Уч кунлик бузоғи ўлган сигирнинг
Сутин соғиб олди бефарзанд хотин.
Икки жонивор қалби чайилган сутни
Ўғри мушук ичиб кетди ўша тун.

Шеърдаги “туёғи зирқираб йиглаётган жонивор”, “хўш-хўш” лаб куйлаётган қайгули хотин”, “битта бола излаб томорқада ивирсийтган эр”, “икки жонивор қалби чайилган сутни ичиб кетган ўғри мушук” образлари турли ассоциатив маъноларни юзага келтиради. Воқелиқдаги драматизмни авж нуқталарда тасвирланишига хизмат қиласи. Ушбу ўринда шоирнинг ўзбек халқ оғзаки ижоди манбасидан фойдаланиш маҳорати кўзга ташланади.

Профессор А.Расулов Э.Воҳидов ижодига хос жиҳатларни таҳлил этаркан, қуйидагиларни тўғри таъкидлайди: “Оlam – замону

АДАБИЁТШУНОСЛИК

макон оддий одамни зумда зеру забар қилиб юбориши мумкин. Мулки борлиқ, Коинот, Сайёра... Оламда яна бир Дунё борки, унга худо ярлақаганларгина кира олади. Унинг номи Шеърият. Бу дунёда сирлилик бор, лекин унда сир ётмайди, кимнинг кимлиги офтобдан аён. Бу ғаройиб дунё ҳамиша ҳаракатланиб, ортиқча юкларни беаёв элтиб беради. Шеърият ғалвиридан тўкилиб қолган-у, бу сирни яширмоқчи бўлганлар ҳолати аянчли". [3,258] Ана шундай шеърият дунёсига кира олган ижодкорлардан бўлган Эшқобил Шукурнинг "Шоли қўриқчиси" шеъри ўзида оҳанглардаги сирлиликни, мусиқийлик замиридаги маънодорликни, турли ассоциатив ифодавийликни мужассамлаштиргандир.

Маълумки, ҳосил етилган пайтда айтиладиган "Чумчук кувиш" кўшиғи бўлган "Эй, ҳой, гала, эй, ҳой гала, Чумчук келди бир гала. Менинг боғим кичкина, Ҳу катта боғларни тала" ёки "Хола-ё, хола-ё, Катта полни тала-ё, Катта полга тўймасанг кичкина полни тала-ё!" [4,126] тарзидағи ифодадан таъсирангандан Э.Шукур қуидаги сатрларида табиатнинг бетакор манзарасини яратади. Шеърнинг:

Чумчук, чумчук, шўр тумшук,
Ҳайо – ҳуйт! Ҳайо-ҳуйт!
Тумшуғингни тошга тут,
Ҳайо – ҳуйт! Ҳайо-ҳуйт!
Шолипоя кўллаган –
Осмонлар чўкиб ётар,
Тилларанг балиқчалар
Юлдузча бўлиб ётар.
Ҳайо – ҳуйт! Ҳайо-ҳуйт!
Шамолга забон бериб
Шолипоя чайқалар....[5,5]

тарздаги мисраларида ҳосили бўлиқ шолипоя манзаралари, унинг тундаги бетакор чизгиси ўзига хос оҳанг билан уйғунлашган ҳолда намоён бўлади. Кейинги мисраларда шоир жонлантириш, ўхшатишлардан кенг фойдаланган ҳолда ана шу тунги тасвиirlарни янада изчиллик билан чиза боради: "Сувнинг оҳангин териб Куйлаб кетар бақалар. Ҳойио-ҳуйт! Ҳойио-ҳуйт! Кенг уйнинг бекасидай Бошда тутлар қапайган, Туяниг уркасидай Четда чайла сўппайган. Ҳойио-ҳуйт! Ҳойио-ҳуйт! Кун ишлари узилар Нурдан кўпчир қишлоқлар. Қизлар каби сузилар, Бўйи етган бошоқлар. Ҳойио-ҳуйт! Ҳойио-ҳуйт!" Ушбу ўринда Абу Наср Фаробийнинг "Баъзи ҳалқларда олдин нағма-кўй яратилиб, кейин унга ҳамоҳанг қилиб шеър боғлайдилар. Бунда шеърнинг бўлаклари куйга боғланган нуқтаи назардан худди баъзи бир ҳарф-товушлар ўхшаб қолади", деган сўзлари ёдимизга келади. Дарҳақиқат, дехқончилик билан боғлиқ ҳалқ оғзаки ижоди манбалари, айниқса, қўшиқларнинг яралishiда, даставвал оҳанг, сўнг матн юзага келганлиги маълум. Оҳанг, ритм меҳнатнинг маромийлигини таъминлаган, ундаги

машаққатли жараён оҳанг ёрдамида енгиллашган.

Э. Шукур ижодида ўзбек ҳалқ оғзаки ижодидаги "йиғи-йўқлов" ларнинг таъсири ҳам алоҳида ўрин тутади. Унинг "Менгим момонинг йўқлови" (1981) шеъри гарчанд шўро даврида яратилган бўлса-да, мустақиллик даври шеърларида сиқиқ ифодавийлик, образли ифодаларга бойлик, оҳангдорлик, нозик қочиримларга бойлик хусусиятларининг юзага келишида муҳим ўрин тутади. Шеър мазмунининг 1917 йил октябрь тўнтиариши даврида Ватанидан сургун қилинган, хорижда ўз-ӯзига йўқлов айтиб, дунёдан ўтган Менгим Момонинг гиряси тарзида берилган. Ҳажми олтмиш олти сатрдан иборат бўлган мазкур шеър ўзига хос марсия бўлиб, ҳалқ душмани сифатида ёт элларга сургун қилинган, ғариблиқда жон таслим этган бойвучча Менгим момонинг юртига бўлган соғинч туйгулари ўзига хос тарзда ифодасини топгандир. Шеърнинг:

Тоғдан тошлар қулайди,
Кўздан ёшлар қулайди,
Қисматнинг қора қўли
Пешонангни силайди.
Вой, Менгим-а, шўр Менгим.

Увв!.. Ув!!! [5,36]

тарзида "кўзида Боймоқлининг суратлари қотган, кафандা жонсиз тана – тирик армон", "сойлар бўйларида йиғлаб учган овози", "гўристонга қўриқчи – ўқилмаган жанозаси" бўлган, "хотирасидан олисда мунгли шам чарсиллаган, ота юрти соғинчидан суяги қарсиллаган" Менгим момо изтироби ўзига хос тасвирини топгандир. Менгим момо интилган юртнинг гўзал манзараси таъсири сатрларда Увв!.. Ув!!! тарзда акс этади. Менгим момонинг васияти ҳам ўзгача. Бу васиятда унинг йиллар давомида кўнглидан жой олган армонлари мужассам. Шеърнинг "Гўрим ўз юрагимда, Юракда бордир Ватан. Қишлоқдан кийиб келган Кўйлагим бўлсин кафан" сатрларида ҳалқ оғзаки ижодидаги "йиғи-йўқлов"ларнинг оҳангига уйғун ҳолда ифодасини топади. Шоирнинг маҳорати шундаки, у қатағон сиёсатини қораловчи, ватанпарварлик ғояларини улуғловчи таъсиричан шеърни яратган.

Рустам Мусурмоннинг "Қўриқчи" шеърида ҳам ҳалқ оғзаки ижодидаги "Қўриқчилик даъватлари" нинг таъсири муҳим ўрин тутган. Шеърда лирик "мен" – қўриқчининг кечинматаўйгулари узумзор манзаралари тасвири билан уйғунлашиб кетади. Ҳалқ оғзаки ижодининг жўхорини қўриқлаш билан боғлиқ даъватларидағи сатрлардан таъсирангандан ҳолда ўзига хос ассоциатив мушоҳадалар уйғотувчи, ҳаётнинг мураккаб, ғалаёнли жараёнларига ишора этувчи шеърни яратган. Шеър "Ҳой гала-гала, ҳей гала-а а а... Каркас келди бир гала-а а а... Менинг боғим кичкина-а, катта боғларни тала-а а а... Ҳей гала-гала, ҳой гала-а а а..."

Узумзор орасинда Туну кун пойлаб ёттим. Юракни палахмонга тош қилиб жойлаб отдим. Ҳой гала-гала, ҳей гала-а а а... билан бошланади. Ушбу мисраларда ишком орасида ўз ёрини кутаётган, уни кўришга интизор пойлоқчи – ошиқ кечинмаларини ҳам ифодалаётгандек бўлади. Бу шеърнинг кейинги “кйигиздим вужудимни Тўрт туёкнинг устига. Пойладим жон риштасин Тўрт-т-а-ё-ғ-и – дастига. Ҳой гала-гала, ҳей гала-а а а... Чўп чайла – усти жонсиз, Пасти жонли устунлар. Олиб қочар чайлани Бирин-бирин устунлар. Ҳой гала-гала, ҳей гала-а а а...” сатрларида янада ойдинлашади. Ушбу ўринда Л.Тимофеевнинг “Шеърнинг эвфеник ифодалилиги учун фақат ҳамоҳангликини эмас, ундаги турли хил оҳанглар уйғунлигига бойлик, уларнинг алмашинуви, бир-бирини тақозо этиши ва бир-биридан кескин фарқланиши ҳам муҳимдир” [7,28], деган сўзлари характерлидир. “Кўриқчи” шеърида ҳам турли хил оҳанглар уйғунлигини, улар алмашинувидан юзага келган изчил оҳангдорликни кўрамиз. Шеърнинг сўнгги сатрлари:

Бир кафан сўнгакларим
Ишком остига илдим...
Ҳайдаш-чун каркасларни
Шақурр-шуқурроқ қилдим.
Ҳой гала-гала, ҳей гала-гала-а а а...

Қалбимдан қақнус қуши
Учиб чиқар бир гала.
Боғ ичра минг кўнгилга
Тухум қўяр минг гала.
Ҳой гала-гала, ҳей гала-а а а...!!!

тарзда якунланади. Шеърда ана шу тариқа лирик “мен”нинг қалб қўргонини турли тажовузлардан қўриқлаш зарурлиги ҳақидаги фалсафий қарашлар ўзига хос ифодаланганлигини кўрамиз.

Мустақиллик даври ўзбек шеъриятида Рауф Субҳон ҳам ҳалқ оғзаки ижоди анъаналарини давом эттириб, бетакрор услуби, чукур фалсафага йўғрилган ижоди билан алоҳида ўрин эгаллаган. Унинг “Бахшиёна” шеъри эртакдан олинган “... Қуёш билан Ойни аждаҳо ютиб юборади. Уни бир ботир кутқаради...” сатрларни келтириш билан бошланган. Бахши томонидан айтилган “Юрт қоронғи, тор бўлса Ботир кўкси ер бўлар. Қуёш ютган, Ой ютган Аждаҳо бедор бўлар. Тун ухлайди, кун ухлар, Эл бўғзида ун ухлар. Ер – кўк аждар оғзида Бу қоронғу дун ухлар” [8,201] сатрларида юрт эркини сақлаш, ҳушёрлик, жипслик талаб этишни енгил вазнга асосланган ифодаларда ёритади. Р.Субҳон ана шу тарзда эртак мазмунидан таъсирланган ҳолда янги моҳият, янги ғояга эга шеър яратади. Ёки бошқа бир шеърида шоир эртак ва достонлардаги асрий жимликлар ҳукмрон бўлган аждаҳолар ухлаб ётган ғорларни ёдга олади. Фарҳод ва

Ширин, Лайли ва Мажнуннинг улуғ муҳаббати, наҳотки тарихларда, ўтмишда қолган бўлса? Наҳот инсоният тезкор аср измига тушиб муқаддас туйғуларни унугаётган, ўз-ўзидан бегоналашаётган бўлса? Бу унинг таназзуидан нишона эмасми? Шеърнинг:

Севгилим,
Қор бўрони
Қадамларни секинлатди-да,
Юр, ғорга кирамиз,
Аждаҳолар ухлаб ётган асрий жимлиқда

Муҳаббат ҳақида сұхбатлашамиз...[7,15]
сатрларида юқоридаги саволлар беихтиёр юзага келади. Шу тариқа ардоқли туйғу – муҳаббатнинг бекиёслигини улуғловчи ғоя ифодасини ҳис этамиз.

Ж.Жумабоева Омон Матжоннинг “Ҳаққуш қичқириғи” китоби ҳақида тўхтапар экан, “Шоир ҳаққуш ҳақидаги бу асарини афсона ва воқелик ҳақидаги ўйлари, мушоҳадаларидан синтез қилган. Унга кўпинча афсонадан кўра ҳаёт, реал воқелик куч берган. Умуман, шоир бу афсона орқали бутун китобга қамраб олган асарлари мағзини озиқлантиради. Афсоналар бағрига яширинган ҳақиқат гавҳари – шу кунги ҳаётимиз уммонидан излаб топилганлигини мантиқан англатади. Бу эса китобга “Ҳаққуш қичқириғи” деб аташга мустаҳкам замин бўлади”. [9,144] Иқбол Мирзонинг “Рамазон” шеърида болалар фольклори таъсири унга “Рамазон айтиб келдик эшигингизга, Худойим ўғил берсин бешигингизга...” сатрларини келтириш билан бошланганида кўринади. Маълумки, рўзай рамазон кунларида кечга яқин болалар эшикма-эшик ушбу қўшиқни айтиб юрадилар. Хонадон соҳиблари уларга қанд-қурслар беришган. “Рамазон” шеъри ҳам оқшом тушиш арафасидаги қишлоқ кўчалари, унда рамазон қўшиғини айтиб юрган болалар тасвири билан бошланади “Кўчалар қатор теракларга, порлаётган юлдузлари тўла, ой нурларига бурканган қишлоқ, унда олган ҳолвалари ҳаққига ширин тилаклар қолдираётган дили жавоҳир ялангоёқ болалар” тасвири шеърнинг дастлабки банди асосини ташкил этади. Шоир маҳорати шундаки, ун кўтариб қайтаётиб симёғочга суюниб йиғлаган Ёқуб полвонга ўқувчи диққатини қаратиш орқали унинг изтиробларига ошно этади. “Пичанларнинг ҳидига қўшилиб кетар садо, Мўрилардан чайқалиб таралади дудлар, ҳам. Шу кечча келинларнинг кўнглига қара, дунё, Шу кечча куёвларнинг кўзига боққил олам! Айланади чархпалақ, гулдирайди тегирмон, Умр ўтар сув каби, буғдой мисол тўкилар. Ун кўтариб қайтёйтган бефарзанд Ёқуб полвон Симёғочга суюниб [9,188] Маълумки, “Лирика инсон ўз шахсини таниган, ўзини шахс сифатида англаған, ўзини олам ичра яна бир олам, деб билган ва ташки обьектив оламга янгича қараган шароитларда пайдо бўлади. Инсон ўз шахсини

АДАБИЁТШУНОСЛИК

олам билан қиёслайди, гоҳо унга қарама-қарши күяди, гоҳо ташқи олам билан туташ ва пайваста эканлигини қайд этади. Аммо, ҳеч қачон олам қаршиисида ўзини батамом унутмайди". [10,237] Иқбол Мирзонинг лирик қаҳрамони ҳам Ёқуб полвон дардини ўз дарди, деб ҳис этади, унинг олами ичра яшайди.

Шеърнинг сўнгги сатрлари "Дўст, тирноқча зор бўлма, кўрмагил тирноқча ғам, Ҳар йили кўзтуморлар осилсин бешигингга. Менинг ҳам елкамдаги юкимни олсин болам, Рамазон айтиб борсин бир куни эшигингга" тарзидаги эзгу ният билан хulosаланади. Ана шу тариқа шоир "Рамазон" шеърида эса болалар фольклори материалларидан таъсирланиб, янги воқелик асосида шеър яратади ва ўзига хос туйғулар, кечинмалар тасвирини юзага чиқаради. "Бойчечак" шеърида болаларнинг маросим қўшиғидан таъсирланиб, ишқ-муҳабbat мавзусини, севимли ёр қиёфасини тараннум этувчи бойчечак образига янгича ёндашган маъноларни юзага келтиради. Маълумки, болалар эрта баҳорда Наврӯз даракчиси сифатида бойчечакни дала, қирлардан териб, гулдасталар тайёрлаганлар. Ҳовлима-ҳовли юриб, "Бойчечак" қўшиғини куйлаб, баҳор келганидан хабар берганлар. Болаларнинг бири яккахон сифатида куйласа, қолганлари нақоратларда унга баравар жўр бўлганлар. Болалар:

"Қўшиқда таърифланган бойчечак – эрта баҳорда очиладиган гулгина эмас, умумлашма даражасига кўтарилиган рамзий образ ҳам. Унда мурғаккина болалик образи тажассум топган. Халқ болани эрта баҳорнинг илк гули тимсолида кўрган, бола шу гулдай нозик, ёқимли навниҳол ва чиндан ҳам инсоният баҳорининг ғунчаси тарзида эъзозланган" [1,294]. Иқбол Мирзо ушбу образдан ижодий таъсирланган ҳолда янги образ яратади. У кўнгли ишқа банди бўлган ошиқ дили, маҳбуба тимсоли сифатида намоён бўлади. Шеърнинг дастлабки сатрларида "кўзларини музини кўз билан эритган, андуҳларнинг изини бир кулиб аритган қиз" тасвири ўрин олган. Кейинги бандда икки дилда – ошиқ-маъшуқларда севги ўйғонган ҳолат "Қошларимга энгашиб, Қошларингга энгашиб қалдирғочлар қайтдилар, валфажр айтдилар, бойчечагим бойланди" [9,4] тарзда ифодаланади. Олти банд ва ҳар бир банд бешлиқдан иборат мазкур шеърда "бойчечагим бойланди" бирикмаси беш маротаба тақрорланади. Бу ишқа банди кўнгил ёки бу кўнгилнинг иккинчи бир кўнгилга бандилигининг ифодачиси сифатида кўлланилаётгандек бўлади. Шеърнинг сўнгги банди:

Гулдек нозик кўлингга
Бармоқларим бойланди.
Бир кулдингу қўйнимда
Бойчечакка айландинг!

Бойчечагим!...

сатрлари билан хulosаланади. Бойчечак ардоқли муҳаббатнинг, севимли ёрнинг ифодачисига айланади. И.Мирзо маҳорати шундаки, сўзнинг шеърий контекстдаги маъно товланишларидан фойдаланиб, унинг янгича талқинини юзага келтирган.

Профессор Н.Рахимжонов тўғри таъкидлаганидек, "Чинакам шоир учун сўз – бу, фикр айтиш, кечинмаларни ифодалаш воситасигина эмас, балки яшаш тарзи, яшаш шаклидир. Ҳар бир сўз бадиий асаддаги ғоявий-эстетик мақсадга кўра муайян маъно касб этади. Замиридаги мазмун орқали ўзининг янги-янги маъно қирраларини намоён қиласди" [11,32]. Ана шундай жиҳатни Усмон Азимовнинг ўзбек халқ оғзаки ижодидан эртак ва достонларида учрайдиган образ ва тафсиллардан фойдаланиб яратган қўйидаги сатрларда ҳам кўрамиз:

Қодир ҳаёт – улкан ялмоғиз,

Сезиб жоним мазаларини

Етти ўлчаб қилдинг бир оғиз,

Умримнинг шаън лаҳзаларини, - [12,115] сатрларида шоир "мен" и умрнинг шитоб билан ўтаётганини, айниқса, қувончли, фараҳли дақиқалари тезлик билан ўтишини ва йўқлик сари кетишини, ўлжасини ютаётган улкан ялмоғиз тимсолида ифодалайди. Шунингдек, юқоридаги бандда "Етти ўлчаб бир кесмоқ" халқ мақоли ўзига хос шакл ва маънода пайдо бўлади. Шу тариқа кунлар, йиллар ўтиши билан биз ҳам умримизни бой берамиз. Шу боис унинг мазмуни ҳақида ўйлаб кўришимиз лозим, демоқчи бўлади шоир.

Кейинги сатрларда эртак ва достонлардаги "борса – келмас йўл" тафсилидан фойдаланиб ортга қайтмас вақт – ўтган йиллар ҳақидаги фалсафий фикрнинг "Маҳкамладинг борлиқ эшигин, Очдинг йўқлик дарчаларини. "Борса-келмас" сари узатдинг Йилларимнинг парчаларини" [12,116] тарзидаги ўзига хос ифодасини намоён қиласди. Умр ўтар экан, инсон нималарнидир бой бера боради. Бой берадиганлари: соғлик, қувват, умрнинг гуллаган даври – ёшлиқ, ғайрат-шилоат ва ҳ.к. Сатрлардаги борлик эшигининг маҳкамланиши ва йўқлик дарчаларининг очилиши шу билан боғлиқдир.

Шеърдаги драматик ҳолат "Алдоқларга сен мени отдинг, Сотдинг шайтон ҳаммолларига. Мендан кечдинг – бир ўзим ботдим Юрагимнинг зиндонларига. Қодир ҳаёт – маккора, мастан, Ёқсанг олов, ўчирсанг кулман. Кун кўрмадим дунёда осон – Юрагимга мен ҳам бир кулман" тарзда ифодаланади. Риторик сўроқ воситасидаги ушбу сатрларда эса ҳаёт мураккабликлари "Ҳали тирилишим беаадад, Ҳали қандай ўлишларим бор... Мени нима қиласан алдаб, Ростдан умринг минг йилми чинор?" тарзда ифодаланади. Ҳаёт ширин, ҳаёт азоб. Унинг синовлари беҳисоб. Бу синовларда

инсон минг бора ўлиб, тирилади. Бу синовларда тобланади, умри қисқаради ҳам. Шу боис чинорнинг шундай ҳаёт синовлари олдида минг йил яшашига ишониш қийин. Шу боис чинор бардошига қойил ҳам қолиш керак. Юқоридаги чинор ҳақидаги халқ ривоятлари асосидаги банд ўқувчидаги худди шундай ассоциатив фикрларни ўйғотади.

Хуллас, мустақиллик даври ўзбек шеъриятида халқ оғзаки ижоди анъаналари муҳим ўрин тутиб, ўзига хос маҳорат ва такомил босқичи учун хизмат қилмоқда. Шоирларнинг

халқ оғзаки ижодига мурожаатларида икки жиҳат кўзга ташланади:

1. Халқ оғзаки ижоди материалларидан айнан фойдаланиш орқали янги мазмунни ифодаловчи асар яратиш.

2. Халқ оғзаки ижодидан қисман фойдаланиб, янги асарлар яратиш.

Мустақиллик даври ўзбек шеъриятидаги халқчиллик, оҳангдорлик, содда, сиқиқ ифодавийлик, рамзий образларга бойлик хусусиятларида, шубҳасиз, халқ оғзаки ижоди материалларининг ўрни каттадир.

Адабиётлар:

1. Имомов К., Мирзаев Т., Саримсоқов Б., Сафаров О. Ўзбек халқ оғзаки поэтик ижоди. – Т.: “Ўқитувчи”, 1990.
2. Эшқобил Шукур. Ҳамал айвони. – Т.: “Шарқ” нашриёт- матбаа акциядорлик компанияси бош таҳририяти, 2002.
3. Расулов А. Бадиийлик – безавол янгилик. -Т.: “Шарқ” нашриёт-матбаа акциядорлик компанияси бош таҳририяти, 2007.
4. Абу Наср Фаробий. Фозил одамлар шаҳри. – Т.: А.Қодирий номидаги “Халқ мероси” нашриёти, 1993.
5. XX аср ўзбек шеърияти антологияси. -Т.: Ўзбекистон миллый энциклопедияси Давлат илмий нашриёти, 2007.
6. Тимофеев.Л. Слово в стихе. -М.: Сов. писатель, 1982.
7. Рауф Субҳон. Ишонч -Т.: “Ўзбекистон”, 2015
8. Жўмабоева Ж. Омон Матжон. – Т.: “Фан”, 1992
9. Иқбол Мирзо. Сизни кўйлайман. – Т.: “Шарқ” нашриёт-матбаа акциядорлик компанияси бош таҳририяти, 2007.
10. Адабиёт назарияси. Икки томлик. Иккинчи том. – Т.: Фан, 1978
11. Раҳимжонов Н. Мустақиллик даври ўзбек шеърияти. -Т.: Фан, 2007.
12. Азимов У. Уйғониш азоби. –Т.: F.Гулом номидаги Адабиёт ва санъат нашриёти, 1991

(Тақризчи: Х.Жўраев – филология фанлари доктори)